

Սանտ Էլենայի մօտից ձկնորսական առա-
գաստանուներ են անցնում: Բաց գեղին եւ կըղ-
մինդրազոյն առագաստները՝ քիչ քամիի
պատճառով՝ ծփում են, ոլոր դալիս եւ կամաց
չարժւում:

Ծառերի միջից երեւացող այդ տեսարանը
այնպիսի մի տպաւորութիւն է թողնում, որ
կարծես ամբողջ պարտէզը շարժւում է, որ
կղզին լողում է դէպի անյայտը, որ ահա պի-
տի շրջինք Լիզոյի մօտ եւ դուրս դանք բաց
ծովը:

Եւ մինչ մօտիս երազը մանկական անկեղծ
ձայնով թոթովում է իր երգը՝ միտքս արա-
գօրէն մի մենախօսութիւն է ասում:

Ասում է.—

Էլիօնօրան՝ հրաշալի այդ օտարուհին՝
կեանքիս գեղեցիկ արկածներից մէկն է. նրա
մարմինը փղոսկր է. նրա կրծքի բամբ եւ
թաւեայ շէտերի մէջ դարաւոր ու նուրբ քա-
ղաքակրթութիւնը ափիտն է դնում եւ նրա ա-
մէն մի ժեստը սարսուռ է:

Նա կանչ է դէպի անյայտը:

Էլիօնօրան, պատմական պալատի մեծղի
իր սենեակում, ուր Տիեպօլօն մերկ մարմին-
ներ է նկարել, Գուարդին տեսարաններ եւ Ա-
րեւելքը իր մետաքսներն է գետեղել, նմանում
է ջերմանոցի փարթամ եւ գերազայուն այն
ճաշկիներին, որոնք հարբեցնում են օդը, եր-
կարում ձեւերը եւ երակներին քաղցր թոյն
տալիս:

— Եւ պատահում է այնպէս, որ հոգիդ,
ահա, բոցավառ այդ առագաստի նման յան-
կարծ րացւում է: Ուզում է գնալ, տենչում է
դէպի ծով եւ թէպէտ գիտես որ քեզ սպասում
են անակնկալներ, բայց չես վախում... Այն-
պէս չէ՞ չէ՞ս վախում:

Ինձ սիրելի են հայերէն այդ խօսքերը: Ա-
ղօթքը եւ սէրը ճշմարիտ են միայն մայրենի
լեզուով:

Իսկ այնտեղ —

Էլիօնօրան մի բաժակ շատ հին գինու նը-
ման է: Նրա համբ բարդ է եւ կրակոտ: Նրա
զգացողութիւնը կազմւում է նուրբ թելերից.
Նրա գեղեցկութիւնը անզուեղի նման է. նրա
սէրը կլանող է: Էլիօնօրան վտանգ է:

Ու մտքիս մէջ այդ բառը մրճահարում է.
վտանգ է, վտանգ է...

— Այստեղ խոնաւ է, չմբսես: Ձեռքերդ
մի քիչ պող են. տուր տաքացնեմ: Ահա այդ-
պէս, այդպէս... Վենետիկի օդը դաւաճան է.
պէտք է ուշադրութիւն անես. եթէ հիւանդա-
նաս, ո՞վ քեզ պիտի խնամի...

Էլիօնօրան ջրանցքների մօտ կերտուած
հոյակապ արուեստ է: Նա նմանում է ոսկեզօ-
ուած արձաններին, որոնց վրայ գիշերները
տժգոյն լուսին է նստում եւ սարսուղ մութ:
Նա քաշում է քեզ գիւթիչ երգի նման, պլլում
բուրումների մէջ, կլանում ետք եւ գինովցած
քայլերդ տանում անկարելի մի աշխարհ:

Գյուլիս գնում եմ երխասարդ աղջկայ
կրծքի վրայ. փակում եմ աչքերս եւ մի վայր-
կեանք դառնում մանուկ:

Իսկ աշունը իր գեղեցիկ մեյրամաղձոտու-
թեան օրօրն է ասում: Տերեւները մէկիկ մէ-
կիկ պոկւում են, մի վայրկեան մտածում ու
վայր բնկնում մշտնջենական լուսթեան մէջ:

— Սխուր ես, սիրելիս, սխուր ես, — ա-
սում է աղջիկը եւ շոյում մազերս:

— Մինակ ես, սիրելիս, մինակ ես, — ա-
սում է աղջիկը եւ ձեռքը դնում այրուող ճա-
կատիս վրայ:

— Ես քեզ սիրում եմ:

— Սիրո՞ւմ ես...

— Սիրո՞ւմ եմ, սիրո՞ւմ եմ...

* * *

Աշնան վերջը Լիզօն փակում է իր տուների
փեշկերը: Փոփոցները ամայի են եւ Աղբիա-
կանը մռնչում է մինակ:

Ծովափի ծառերի վրայ քամին մի վայր-
կեանք գեռ կանգ է առնում հազուադիւր տե-
րեւների պատճառով:

Ստաբիլիմենտոյի վրայ իրազանցում
փայտեր են դամել: Ճաղերը լուկ են. տօ՛րը
վերջացել է եւ գետինը խոնաւ է:

Գէպի Մ'ուլափօկիօ երկարող ծառուղիներ-
ը՝ մէ քիչ վեր բարձրացած ձմեռային երկըն-
քի տակ՝ մտահոգ սպասումի մէջ են. ափին
դարնուող ծովը խախտել է արմատները եւ ա-
ւազի մէջ հոտանքներ են գոյացել:

Մահենից դժբախտ են պատերին կպած յայ-
տարարութիւնները՝ մինակ եւ աւելորդ: